

Կաթողիկոսըն քան խրրած՝ ?
Մըտիկ չարաւ նոցա խօսաց .
Խարեց զնոսա , ասաց . « Վնացէք .
Չեմ օրհներ զնա՝ երբոր չուզէք » :

Ժողովուրդն ի տուն զնացին ,
Նորա խօսացն հաւատացին .
Իսկ նա ելեալ մէջ գիշերին ,
ԶՆիկոլն գաղտ ձեռնադրէին :

Ընդ արշալուսն առաւօտին
Եկեալ քաղաքն իմաց արին .
Քահանայք՝ զամբօխ վերուցին ,
Փութով ի վանքն գիմեցին :

Մեղքիսեթեկն երբ զայն լսեց՝
Մըտաւ ի խուցն , դըռվին ախեց .
Քաղցըր ձայնիւ պատասխանեց ,
Ապա ի սիրտըն ռի պահեց :

Մըտին ամենքն յեկեղեցին .
Ձինչ յիշոց կայր՝ նոցա տըվին .
Եպիսկոպոսք հարեղանին՝
Յոյժ վախեցան և լուռ կացին :

ԶՆիկոլն ուզէին բռնէին
Կըտոր կըտոր զնա առնէին .
Հազիւ զերծեալ ձեռաց նոցին ,
Մտեալ սաքրեստան՝¹ ախեց դըռ-
[վին :

Բազում վնաս անդ գործեցին .
Կամէին զդռվին կոտորէին .
Մինչ Մեղքիսեթն ներքուստ ձայ-
[նեց ,
Թէ , զնա հետ մեր տանիմ , ասեց :

Ապա զամբօխն համոզեցին
Եւ զխռովարարսն հաշտեցուցին .
Ամենեքեան ի տուն գնացին ,
Խաղաղ Լովցիք քաղաք մըտին :

Ծեր լաւետր՝ էր մուրրած ,
Օրն երեք հետ լինէր հարբած .
Եպիսկոպոսք ունէր խուզած
Քան զճէլալի հանած վարած :

Բայց Մեղքիսեթն ւ իւր ընկերնին՝
Որք ունէին ռի ի սըրտին ,
Հնարս իմացան ընդ համախոհին ,
Բանադրանք Հայոց գրեցին .

Թէ , « Եկին զվանքն կոխեցին ,
Սըրօք բըրօք ի ներս մըտին .
Ի մեր վերայ սուր քաշեցին ,
Մեղքիսեթին՝ ձեռք վերուցին » :

Ապա Հայերըն վախեցան
Եւ ի յերկուս բաժանեցան .
Մի կողմն կաթողիկոսի եղան ,
Մի կողմն շիւար նըկուն դարձան .

Ժողովեցին յուով դեկան ,
Արժաթ բազում առեալ տարան ,
Արտասուելով ոտքըն անկան ,
Ապա կապիցն արձակեցան :

Մեղքիսեթ զնաց Եսգլովցան ,
Հետ իւր տարաւ զչար Նիկոլայն .
Ասաց . « Տեսնուք թէ ինչ անեմ՝
Որ Լովրոցմէն վըրէժս հանեմ » :

Շըրջաբերնի՝² ետ Նիկոլին ,
Թէ ամենքն քեզ հնազանդին .
Եւ որք զքեզ ոչ ընդունին՝
Իմ հրամանէս բանադրեսցին :

Եկեալ ի քաղաքըն Լովին ,
Խրօխտ բանիւ սպառնայր նոցին ,
Թէ , թուղթ ունիմ Մեղքիսեթին՝
Որ ամէն Հայք զիս ընդունին :

Ժողովուրդն էր ի տարակոյս ,
Եւ քահանայք մնացին անյոյս .
Ասեն . վայ երեկ մեր գլխոյս՝
Երբ սա հովիւ կայ մեր հոգոյս :

Եպիսկոպոս մանուկ ի տիս
Ունէր քսան երեք տարիս .
Հըպարտացաւ ի վրայ ազգիս .
Ասէր , թէ էր չընդունիլք զիս :

Ժողովուրդն ալ յիրմէն երկեաւ ,
Կաթողիկոսէն վախեցաւ ,

1. Աւանդատուն : — 2. Շըջաբերական թուղթ , կոնզակ :